

"Carmichael pidi pa un Funcion nobo!"

Director den banda

ORANJESTAD (AAN). Ayera tabata tin basta turbulencia den seno politico ora rumornan a wordo plama cu ruman muher di ministro Marisol Tromp a haya of lo bay haya e puesto di director di Tele Aruba.

Redaccion a tuma contacto cu ruman di ministro Marisol y el a declara den poco

palabra cu tur loke ta wordo pretende ta basa riba nonsens y nada mas y tur otro insinuacionnan unda te hasta su famia lo a haya cierto contractnan, tambe ta basa riba insinuacionnan.

Manera cu esaki no tabata suficiente, nomber di nos colega di prensa Carmichael Bikker mihor conoci como

Colochi tambe tabata bay skeiro encuanto un solicitud cu e lo a haci pa bira director di Tele Aruba.

Cualquier persona cu conoce Carmichael lo a hari nan barica yen ora nan a tende e informacion fofo ey cu a sali riba caya pasobra nunca Colochi tabata tin aspiracion (te con leu no sa) pa bira director di Tele Aruba y mas leu ta conoci, Carmichael ta gusta e seccion di deporte y noticia en general y ta di unda a sali e cuenta di aspiracion pa bira director di Tele Aruba?

Tin hopi hende ta loco pa haya trabao den gobierno y specialmente riba puestonan acompaña cu schaalnan halto cu toeslag y tur otro tipo di beneficio secundario manera cu a wordo regla pa yiu di diferente ministro, ruman, famia etc etc.

Den tur departamento y instancia cu ta cay bao di gobierno fiesta ta wordo haci cu nombramentonan hopi cuestionable, mientras gobierno ta keha cu e

gobierno anterior a laga pais Aruba den u desastre financiero grandi, pero nan mes ta haciendo peor.

Mirando cu tur otro compinchinan ta pusha y ta logra haya puestonan manera director, director general, comisario den hunta di directiva, presidente di fundacion kende te hasta a haya studieopdracht pa bay studia den exterior y ta keda presidente, director interino, director suplente, director temporario, director extra ordinario, no lo ta mal idea si nos amigo Colochi lo por purba di haya e puesto nobo of mihor bisa e funcion nobo inventa cual yama "Director den banda".

Si den e linea di ariba bay te abao tur puesto ta yena caba, no lo ta mal idea pa bin cu un funcion nobo di "Director den banda" pasobra placa pa puestonan halto den gobierno tin tog den abundancia.

Debi cu inhustamente nan tabata haci fiesta cu nomber di Colochi, no lo ta mal idea pa Colochi bay pidi e puesto

di "Director den banda".

"Sea sabi si Colochi, pidi schaal 25 cu 20 % toeslag, D Wagen (sin chofer si!), celular, placa pa paña, placa pa paga telefoon na cas y si ta posibel tambe placa pa paga laundry pa bachi y camisa; bo meyanan si bo mes mester laba na cas pa ningun hende bisa cu bo ta busca moda pa abusa di placa di pueblo".

"Cu un salario asina bo por treat bo amigonan na grandi y e ora ey nos tambe por tin e honor grandi pa por sinta na bar cu un "Director den banda".

Como ultimo; debi cu manera mayoria hende den politica haya djis un tiki puesto, nan cabes ta susha y ta existi pa nan wordo yama cu tur sorto di titulo manera "su excelencia" aki aya, Colochi aunke cu bo no ta politico, existi pa bo haya e titulo di DDB; "Director den banda"; di antemano nos ta bisa bo, bay pe y no laga otro pasa bo dilanti!

Dushi nos ta haci cu Orden y Prosperidad.

Esnan cu a duna cen kier sa:

Unda placa recauda pa victima na Aruba a keda?

ORANJESTAD (AAN): -- Awor cu atrobe den pueblo hopi hende ta pasando man riba nan curazon pa yuda otronan cu a bira victima di un of otro susedido, manera esnan cu a bira victima di e Tsunami of maremoto na Asia, tin hopi hende a cuminsa haci pregunta encuanto placa cu a wordo recauda no mucho tempo pasa pa yuda un persona kende a bira victima di un tiramento cu arma di candela.

Via un accion di radioton basta placa a wordo recauda pa asina e victima por a haya tratamiento medico den exterior, pasobra na prome instancia AZV no lo tabata of no por a cubri e gastonan pero despues a bin resulta cu AZV mes lo a paga pa e gastonan medico den exterior.

Ultimo dianan preguntanan a wordo haci na redaccion encuanto kico lo por a pasa cu placa cu a wordo recauda pasobra si AZV a paga pa gastonan medico, unda tur e placa a keda y si e famia di e victima a haya placa pa nan ser keru?

Tabatin hende cu tabata haci como si fuera ta prensa en general a tene e accion di recauda placa y unda te hasta nomber di DIARIO a cay, pero nos mester aclarea cu DIARIO no a recauda placa y no a haya placa y ta pesey e responsabilidad ey no ta cerca DIARIO pero cerca otronan cu a haya placa.

Matutino DIARIO semper ta dispuesto pa yuda den cualquier accion pa yuda victimanan di cualquier disaster, pero den asunto di placa cu a wordo recauda riba cual nos no tin control y nada di haci cune, nos no por para responsabel pe.

Contesta mester bin di parti

